

La scrutaziun historica da Sur Felici Maissen : omagi agl anteriur redactur dallas Annalas

Autor(en): **Maissen, Aluis**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **119 (2006)**

PDF erstellt am: **16.07.2024**

Persistenter Link: <https://doi.org/10.5169/seals-236901>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

La scrutaziun historica da Sur Felici Maissen

Omagi agl anteriur redactur dallas Annalas

Aluis Maissen

Curriculum Vitae¹

Naschius	ils 24 da mars 1913 a Mustér/Cuoz
Dretg da burgheis	Vischnaunca da Mustér
Scolas primaras	Segnas 1920–1927
Gimnasi	Scola claustrala da Mustér 1927–1933
Liceum	Collegi Sarnen 1933–1935, Maturitat 1935
Studi da teologia	Seminari da s. Gliezi, Cuera, 1935–1939
Ordinaziun	2-7-1939
Pastoraziun	Plevon a Mon e caplon da Zitegl 1939–1945 Curat a Zignau 1945–1968 Plevon a Cumbel e Murissen 1968–1990
Resignaziun	1990 ella vegliadetgna da 77 onns
Dapi 1990	Spiritual ella casa da vegls a Cumbel 1990–2005
Morts	ils 25 d'uost 2005 el spital da Glion e satraus el santeri da Mustér
Scrutaziun scientifica	1951–1995, sils camps da historia, historia culturala e scolaziun (registers da students)
Activitads publicisticas	Publicaziun da 200 lavurs cun in volumen total da 7'000 paginas
Collaboraziun schurnalistica	Radio Romontsch, Gasetta Romontscha, Calender Romontsch, Annalas da la Società Retorumantscha, Bündner Tagblatt, Schweiz. Katholische Wochenzeitung
Lavur da redacziun	Redactur dallas Annalas da la Società Retorumantscha 1961–1981
Undrientschas	Premi grischun da renconuschientscha 1980 Premi dil Radio Romontsch 1982 Burgheis d'honor dalla vischnaunca da Cumbel 1992 Commember d'honor dalla Romania 2002 Commember d'honor dalla Societad Historica Grischuna 2003

¹ Sebasa sin indicaziuns persunalas da Sur Felici Maissen.

1. Introducziun

Sur Felici Maissen ei morts la stad 2005, ual tschun meins suenter ver cumpleni u siu 92avel onn. Nov decennis veta humana muntan era en nos dis ina vegliadetgna patriarcala. In'egliada sin siu *curriculum vitae* muossa che sia veta ei sesplegada sin dus binaris. Dad ina vart stat il teolog e spiritual, da l'otra vart ils scrutader scientific. Ins savess sedumandar en quei connex, tgei vart che seigi la pli ferma, la pli impurtanta. La risposta fuss bein ina causa hanada! Mo ni la domanda ni la risposta fan grond senn, pertgei che omisduas activitads digl erudit plevon ein sefatgas en tutta pasch ina sper l'otra, ellas fuvan intenziunadas ed affirmadas omisduas. Felici Maissen ei bein staus in plevon secular, mo siu di da lavur semegliava plitost quel d'in pader cartusian. El entscheveva sia lavur gia avon che tucrar da stizzar e terminava quella pèr tard la sera. Sia veta, aschia savessen ins resumar, ha cumpegliau 50 onns pastoraziun e 50 onns scrutaziun scientifica. Cun caschun da giubileums sacerdotals e da fiastas da natalezi ein ton la vart pastoral sco la culturala digl enconuscent plevon vengnidas undradas da pliras varts². Per pia buca purtar aua el Rein, duei Sur Felici vegnir undraus en quei liug sco scrutatur dalla historia grischuna, e quei dalla vart academica e scientifica. Sias ovras principalas vegnan grupadas entuorn ils suandonts criteris:

- Tractats historics
- Tractats culturhistorics
- Scolaziun e registers da students

La gronda part da sias lavurs ha Sur Felici Maissen publicau en lungatg tudestg, surtut ils tractats davart la historia grischuna ed ils registers da students.

² Naven da 65 ensi vegneva Sur Felici undraus periodicamein sin mintga natalezi rond, pil pli ella Gasetta Romontscha resp. en La Quotidiana.



En casa pervenda da Cumbel ils 22 da mars 1978

2. Tractats historics

2.1. *Preliminarias*

Igl accent principal ellas activitads da Sur Felici Maissen schai senza dubi sin la scrutaziun dalla historia grischuna. Sias ulteriuras lavurs, aschi impurtontas sco ellas ein, muntan plitost ina cumpletaziun ed augmentaziun dalla tematica principala. Ellas seroclan sin binaris laterals, mo han in'impurtonta funcziun. Ellas duein segirar la libra cuorsa al tren principal. Per quei motiv vul la presenta undrientscha accentuar en emprema lingia las publicaziuns cun tematica historica. L'emprema lavur da quei gener ha Sur Felici publicau igl onn 1951 el *Bündner Monatsblatt*,³ e la davosa igl onn 1995 ella medema revista.⁴

³ Problematisches um Landrichter Nikolaus Maissen, en: BM 1951, p. 36-43.

⁴ Die Gründung des Grauen Bundes in Tradition und Wissenschaft, en: BM 1995, p. 319-333.

En quei interval da quasi 50 onns ha Maissen publicau numerus tractats sur la historia grischuna ella secunda mesadad dil gissiatavel tschentaner. Quei fuva il temps da Sur Felici Maissen, quei fuva siu semi-tschentaner. Cheu veva el fastisau ina largia ella scrutaziun dalla historia dallas treis Ligias e dallas tiaras subditas. Quella perioda schai denter la fin dalla *uiara da trenta onns* (1618–1648) e l'entschatta dil schotgavel tschentaner. *Ils embrugls grischuns* (1603–1637) fuvan gia vegni documentai precisamein, settractav'ei gie d'eveniments guerrils cun gronds viriveris plein carplinas ed uiaras. Quei fuva stau il temps da Gieri Genatsch, il temps da Pompeius Planta ed il temps da Nicolo Rusca, igl arciprer da Sondrio, che fuva vegnius tgerlentaus alla mort dalla dertgira nauscha da Tusaun.⁵

Ussa fuvan ils temps semidai e daventai pli ruasseivels. La perioda che suonda sin l'*uiara da trenta onns* ei buc ina perioda da fraccass d'armas. Ella vegn beinduras titulada sco «Zeit der Erschlaffung», ni sco «die fünfzigjährige Ruhezeit». Quella perioda pacifica vevan ins aunc buca perscrutau systematicamein. Gest quella largia vul il historiograf sursilvan serrar cun sia scrutaziun. Felici Maissen s'exprima en quei connex sco suonda (zitat translatau): «Era sche quei temps ha buca purtau pli gronds eveniments historics a moda spectaculara, sche ha el buca pli pintga muntada ch'ils temps antecedents cun lur fraccass d'armas, duront ils quals la musa veva beinduras stuiu quescher. Suenter ils tumults dils *embrugls grischuns* cun lur misla treidubla dall'uiara, dalla pestilenza e dil fomaz, fuva il pievel leds e cuntents da puspei saver returnar ad ina veta pli quieta, returnar ad in cuors quotidian normal. Suenter las caneras plein larmas ed armas vevan ins ussa buna peda da sededicar a valurs spirtalas e culturalas. Ei fuva il temps nua che la veta publica saveva pulsar pli ruasseivlamein e nua che valetas culturalas savevan sesviluppar e prosperar».⁶ Aschilunsch las reflexiuns dil historiograf.

Cheu entscheivan pia las activitads da scrutaziun da Sur Felici. En connex cun sia lavur viseta el numerus archiv naziunals ed internaziunals. Il pli savens lavura el denton egl archiv dil stat a Cuera. Cheu

⁵ Dertgira nauscha da Tusaun igl onn 1618.

⁶ Die Drei Bünde 1647–1657, Sauerländer Verlag, Aarau 1966, p. 5–7.

studegia el sistematicamein ils *protocols dallas treis Ligias*⁷ ed ils schinumai *acts dalla tiara*,⁸ las principalas fontaunas originalas per la scrutaziun dalla historia grischuna. Maissen sfeglia plunas acts, feagl per feagl, e noda si tut quei che para impurtont per ses projects. Ord quei material sefuorman sias lavurs scientificas. Quellas vegnan cumpletadas cul studi da numerusas fontaunas en archiv svizzers e digl exteriur e sustenidas d'ina profunda enconuschientscha dalla historia grischuna. Nus menziunein el proxim capetel ils pli impurtonts archiv ch'il giubilar ha visitau el decuors da sias liungas retschercas.

Felix Maissen 12-4-02

Car amig

Tra posta dad oz ha fatj plender.

Igl ei per mei via legera satisfacziun
 che tra leura da schifuntj d'incoron, che ei
 L'izi d'atun stampable. - Jan lau far
 offento da vedessas ad mai, quei per cora,
 tier il redactor di THGG di Felix Maissen
 ch'il studi form comparsa s'illumina 2002
 - per mei "doroteo" v'arrivato tard -

Il cartogn - la clausura in p. stoccaa
 fa un bel telera e svegia mo ella los mar
 regliac. - Dalla publicaziun di THGG vegnas
 Ti o far far in Gran dromba separata l'opra
 d'el puel - ma d'ora d'el - Jan impurtel
 In in talca d'antur per upater a cercala
 enconoscenza.

Com mei da u'pueit - hai comparsa di J.F.
 En la Romanin e regrada - tard, fustard!

Sch bi fura a Ti Luca malangeli - mis udida
 ei per fura quei fura ei grand plender da
 fustard in di - fura en unni cum in p'ogn
 ex eross ella d'ile enntada d'flurta e d'onta.

Salut cordialum t'ei tra comorte
 Marcella Felix

Autograf da Sur Felici Maissen

⁷ Protokolle des Bundestags der Drei Bünde.

⁸ Landesakten der Drei Bünde.

2.2. *Impurtonts archivs*

Archiv dil stat, Cuera – archiv dil marcau da Cuera – archiv episcopal, Cuera – archivs circuitals, communal e parochials dil Grischun – archiv dil stat, s. Gagl – archiv claustral, s. Gagl – archiv federal, Berna (cun numerusas copias da Ruma, Milaun, Vaniescha e Paris) – archivs dil stat da Turitg, Berna, Basilea, Lucerna, Soloturn, Argovia, Sviz, Subsilvania, Schaffusa, Uri e Valleis – archiv dil stat, Vienna – archiv dalla universitad da Vienna – archiv dil Vatican, Ruma – archiv dil stat, Milaun – Biblioteca Ambrosiana, Milaun – archivs dallas universitads da Dillingen, Heidelberg e Freiburg el Br. – archiv e biblioteca dall'universitad da Tübingen.

Els proxims capetels vegnan ils temas principals dalla scrutaziun historica tractai, aschilunsch sco il spazi d'ina revista lubescha quei. En vesta all'immensa lavur da Felici Maissen sa ei denton settractar mo d'ina selecziun.

2.3. *La historia dallas treis Ligias 1647–1675*

Igl onn 1966 publichescha Felici Maissen l'emprema part da sia *historia dallas treis Ligias*, siu capoproject. Il cudisch cumpara tier la casa editura Sauerländer ad Aarau e cumpeglia 430 paginas. Il tetel da quella considerabla ovra secloma: «Die Drei Bünde in der zweiten Hälfte des 17. Jahrhunderts in politischer, kirchengeschichtlicher und volkscundlicher Schau. I. Teil: Die Zeit der Unruhen von der Religionspazifikation von 1647 bis 1657.» Prof. Hans Kramer dalla universitad dad Innsbruck, in versau criticher dalla historia, ha scret ina recensium sur la publicaziun da Felici Maissen. Nus citein en quei liug ina part da siu giudicat.

«Das Buch ist eine wertvolle Publikation. Es sind viele neue Tatsachen erforscht. Die Darstellung ist im Allgemeinen objektiv, auch in kirchengeschichtlichen Fragen. Gerade die nüchterne und ruhige, leidenschaftslose Art des Verfassers hat dazu geführt. Im Vorwort verweist Maissen auf die Verständigungsbereitschaft massgeblicher katholischer Kreise gegenüber anderen Konfessionen nach dem letzten Konzil, was ihn in seiner Toleranz in der Darstellung bestärkt hätte. Eine solche Auswirkung auf die Geschichtsschreibung wäre allgemein nur sehr zu begrüßen. Gründlichkeit, Zuverlässigkeit und Exaktheit scheinen mir hervorzuhobende Vorzüge des Buches zu sein (in der

Art der Darstellung, in den Anmerkungen, im Register usw.). Ein scharfer Kritiker würde dem Buch vielleicht etwas Schwunglosigkeit vorwerfen, aber wenigstens mir ist diese berichtende, solide und reelle Art lieber. Es ist sonst nicht üblich, einer rein historischen Darstellung volkskundliche Kapitel anzureihen. Ich habe nichts einzuwenden. Beim umfassenden Wissen Maissens über Bünden kann man dessen sicher sein, dass kein Dilettantismus aufkommt. Er schöpft auch hier aus den archivarischen Quellen, z. B. im Kapitel über den Hexenwahn. Es ist zu wünschen, dass Maissen seine Forschungen über Graubünden in der 2. Hälfte des 17. Jahrhunderts fortsetzen und sie hierauf publizieren kann. Seiner Leistung ist volle Anerkennung zu zollen.» Aschilunsch la recensiu da Hans Kramer.



Ils emblems dallas treis Ligias⁹

Cun quell'ovra fuvà la via statgnada e la cuntinuaziun programada. La historia grischuna dueva daventar la capodisciplina ella scrutaziun scientifica da Sur Felici. Sche nus dein in sguard sin la gliesta da sias publicaziuns, sche muossa la successiun chronologica lavurs sut diffe-

⁹ Las armas dallas treis Ligias sin la Porta Sura a Glion.

rents tetels. Igl emprem mument fan quels la pareta ch'igl autur scruteschi e publicheschi ual tgei che vegn endamen. Pia in luvrar senza concept? Na, quei para mo aschia. En verdad ei tut sutamess ad ina clara finamira, numnadamein alla scrutaziun dalla historia dalla treis Ligias, dalla historia grischuna. Il lectur percorscha prest ch'ils singuls resultats vegnan resumai e publicai en in ciclus regulau. Las singulas parts fuorman plaunlur ina clara survesta dalla historia. Per la publicaziun dils resultats va Sur Felici ussa novas vias. Enstagl d'ina ulteriura ediziun en fuorma da cudisch, publichescha el la cuntinuaaziun dalla historia grischuna els dus principals organs per scrutaziuns historicas, numnadamein el «Bündner Monatsblatt» (BM) ed el «Jahrbuch der historischen Gesellschaft von Graubünden» (JHGG). Successivamein cumparan sis ulteriurs tractats dalla historia grischuna che ensiaran ina perioda da quasi trenta onns. Damai ch'ei setracta dalla capodisciplina da Felici Maissen, schein nus suandar cheu las singulas ovras culs tetels originals:

- Die Drei Bünde im Spiegel ihrer Bundestage und Kongresse von 1660–1662¹⁰
- Graubünden im Spiegel seiner Bundestage und Kongresse von 1662–1664¹¹
- Graubünden 1665/66¹²
- Graubünden 1667/68¹³
- Graubünden 1669–1671¹⁴
- Graubünden 1672–1675¹⁵

Tgei che sezuppa davos quels singuls tetels, lein nus illustrar cun indicar il cuntegn d'ina singula perioda, per exempel quella da 1669–1671. Quei schatg representativ fa paleis da tuts eveniments principals da quei temps e demonstrescha il medem mument era la metoda da

¹⁰ BM 1970, p. 201–247.

¹¹ BM 1973, p. 225–265 und 273–308.

¹² JHGG 1977, p. 1–63.

¹³ JHGG 1981, p. 113–179.

¹⁴ JHGG 1985, p. 235–317.

¹⁵ JHGG 1992, p. 159–210.

lavor da Sur Felici. Il cuntegn dat ina buna survesta al lectur che vul endriescher tut quei ch'il historiograf ha da relatar. La structura ei logica e sebase sin ina successiun classica dallas singulas instituziuns publicas.

Graubünden 1669–1671¹⁶

- I. Allgemeine Landesangelegenheiten
 - 1. Das Referendum
 - 2. Die Bundestage 1669/70/71
 - 3. Wahl der Amtsleute
 - 4. Märkte und Münzen
 - 5. Bundsleute und Fremde, Karitas und Sittenpolizei
 - 6. In der Landvogtei Maienfeld
 - 7. Krach im Hause Schauenstein/Haldenstein
 - 8. Raten und Taten
- II. Transport, Verkehr und Strasse
- III. Zollwesen
- IV. Sanität
- V. Im Oberen Bund
 - 1. Wahlen
 - 2. Seuchenpolizei
 - 3. Vor dem Appellationsgericht
 - 4. Laufende Geschäfte
- VI. Gotteshausbund
- VII. Aus dem Zehngerichtenbund
- VIII. Kirche und Konfession
 - 1. Kampf und Kontroverse
 - 2. Sittenmandat und Betttag
 - 3. Zum kirchlichen und religiösen Leben
- IX. Beziehungen zur Eidgenossenschaft
- X. Die Drei Bünde und das Ausland
 - 1. Spanien/Mailand
 - 2. Österreich
 - 3. Frankreich
 - 4. Holland
- XI. Aus den Untertanenlanden
 - 1. Um die «Landeshoheit und Herrlichkeit»
 - 2. Grenzkonflikte und Zollanstände
 - 3. Händel und Prozesse
 - 4. Wirtschaftliches und Kulturelles
 - 5. Um «Recht und Gericht», Rekurse

¹⁶ JHGG 1985, p. 235–317.

2.4. Capetels specials dalla historia grischuna

Cheu setracta ei d'ina selecziun ord las numerusas lavurs da quei gener. Sper la historia grischuna sco tala ha Sur Felici adina tractau capetels specials, nua ch'el ei seprofundaus en tuts detagls. Quei vala dil reminent era per ils tractats menziunai els capetels 2.5–2.8.

- Die Wirren in der Herrschaft Rhäzüns von 1674–1680¹⁷
- Die Bündnerisch-Venezianische Allianz von 1706¹⁸
- Parteipolitische Kämpfe in den Drei Bünden 1657–1659¹⁹
- Das Bündnerische Strafgericht von 1660²⁰

2.5. Ord las tiaras subditas



Il palazzo dil guvernatur grischun a Sondrio²¹

¹⁷ BM 1958, p. 361–398.

¹⁸ BM 1964, p. 81–145.

¹⁹ BM 1968, p. 189–210.

²⁰ BM 1968, p. 273–341.

²¹ Foto tenor Ing. Antonio Giussani, *Iscrizioni e stemmi del Palazzo di giustizia e del Pretorio di Sondrio*. Como 1917, p. 7. Il maletg muossa il palazzo en in stan

Las duas empremas lavurs en quei capetel stattan en in stretg connex ina cun l'otra. Egl Ischi 1971/1972 veva Sur Felici publicau in emprem tractat sur dallas tiaras subditas cul tetel «Clau Maissen en Valtellina». Enzaconts onns pli tard ha el lura fastisau egl archiv cantunal in niev document en fuorma d'in rapport da viadi. Facticamein setracta ei d'ina descripziun detagliada dil viadi dalla *cumissiun da sindicatura*^{22a} igl onn 1667. Quella lavur cun numerus ed interessants detagls cumpletescha considerablamein igl emprem tractat.

- Clau Maissen en Valtellina^{22b}
- Die bündnerischen Syndikatoren und ihre Mission im Veltlin im Jahre 1667^{22c}
- Zur Justizpflege im Veltlin: Mordfall, Rekurs und Sentenz der Drei Bünde 1670²³
- Zur Justizpflege im Veltlin: Kirchliche und weltliche Gerichtsbarkeit im Widerstreit, 1669–1671²⁴

2.6. *Da mercenaris e survetschs jasters*

- Das Bündner Regiment von Planta und der spanische Feldzug gegen Portugal 1665²⁵
- Bündner Kriegsdienste in Frankreich von 1667–1678²⁶

decadent cuort avon la restauraziun da 1915/17. Entochen 1797, cura ch'ils Grischuns han piars lur tiaras subditas, veva il palast in'urdadira fetg attractiva. Las fatschadas fuvan curcladas cun uoppens ed inscripziuns latinas dils guvernatur grischuns. Igl onn 1797 ein la Valtellina, Chiavenna e Bormio vegni incorporai ella Republica Cisalpina. Lezza regenza ha lura schau dismetter tuts fastitgs grischuns.

^{22a} La *cumissiun da sindicatura* dumbrava nov commembers, inclusiv il president, treis ord mintga Ligia. Quella serendeva mintgamai alla fin d'in bienni ellas tiaras subditas per examinar il rendaquen dils officials grischuns ed incassar il daner cameral. Ultra da quei fuva ella istanza d'appelaziun per cass civils.

^{22b} Igl Ischi, Annadas 57/58, 1971/72, p. 167–202.

^{22c} BM 1980, p. 107–118.

²³ BM 1984, p. 12–19.

²⁴ BM 1986, p. 222–232.

²⁵ BM 1971, p. 133–155.

²⁶ BM 1976, p. 65–102.

2.7. Monografias

Ina sparta speciala enteifer la historia grischuna, che ha adina interessau e fascinau il historiograf Felici Maissen, ein monografias sur d'illustras persunalitads. El descriva quellas cun gronda capientscha e tschenta ellas mintgamai en lur ambient historic.

- Domherr Dr. Mathias Sgier (1621–1687)²⁷
- Die Verbannung und Rehabilitierung des Domdekans Dr. Mathias Sgier²⁸
- Landrechter Meltger Jacomet da Mustér²⁹
- Bundeslandammann Paul Jenatsch (1629–1676)³⁰
- Die Bischofswahl Ulrichs VI. de Mont 1661³¹
- Die Bischofswahl Ulrichs VII. von Federspiel 1692³²
- Landrechter Nicolaus Maissen – Sia veta e siu temps 1621–1678³³
- Aus der Tätigkeit des Landrichters Nikolaus Maissen in den Jahren 1669–1671³⁴
- Aus der öffentlichen Tätigkeit des Landrichters Nikolaus Maissen im Amtsjahr 1672/73³⁵

2.8. Temas confessiunals

- Ein Konfessionsstreit in Tomils und Rodels im Jahre 1654/55³⁶
- La separaziun dil cumin della Foppa 1661–63³⁷
- Ein Kinderraub in den vier Dörfern 1689/90³⁸
- Ils embrugls confessional-politics el Grischun, da 1670–1674³⁹

²⁷ BM 1952, p. 41–52.

²⁸ BM 1953, p. 205–219 und 225–256.

²⁹ Stampa Romontscha, Mustér 1956.

³⁰ BM 1957, p. 315–326.

³¹ BM 1957, p. 208–222.

³² BM 1959, p. 180–208.

³³ Ediziuns Desertina, Mustér 1985.

³⁴ BM 1985, p. 100–122.

³⁵ BM 1991, p. 31–52.

³⁶ BM 1954, p. 191–207.

³⁷ Igl Ischi, Annada 44, 1958, p. 20–31.

³⁸ BM 1960, p. 317–335.

³⁹ Igl Ischi, Annada 52, 1966, p. 17–97.



Igl erudit patriarc en sia stanza da studi a Cumbel 2003

2.9. Historia da pleiv

- 300 onns baselgia parochiala S. Martin Trun⁴⁰
- Historia dalla pleiv da Morissen⁴¹
- Historia dalla pleiv da Cumbel⁴²

⁴⁰ Ediziuns Desertina, Mustér 1963.

⁴¹ Annalas 90-93, 1977-1980.

⁴² Ediziuns Desertina, Mustér 1983.

3. Tractats culturhistorics

Sco nus vein gia enderschiu, ha Felici Maissen publicau la gronda part dils tractats historics el *fegl meinsil* (BM) ed ella *revista dalla societad historica dil Grischun* (JHGG). Per la publicaziun dallas lavurs culturhistoricas elegia el denton, tut secund la tematica, differents organs: Igl Ischi, Ischi Semestril, Calender Romontsch, Chalender Ladin, Il pelegrin, Annalas da la Società Retorumantscha, Il Piogn, Gasetta Romontscha, Radioscola, Schweizerisches Archiv für Volkskunde, Bündner Jahrbuch, etc.

Il cuntegn dils tractats culturhistorics pon enzaconts exempels illustrar:

- Dallas enzennas dil calender e dalla superstiziun⁴³
- Naschientscha e mort ella superstiziun populara romontscha⁴⁴
- Casa e clavau ella superstiziun populara romontscha⁴⁵
- La controversa da Giachen Mathieu da Ramosch⁴⁶
- La vivonda ella superstiziun populara romontscha⁴⁷
- Il cargar ad alp ella superstiziun populara romontscha⁴⁸
- Casa e cuort el proverbi romontsch⁴⁹
- La rauba el proverbi romontsch⁵⁰
- Il maletg digl um e dalla femna el proverbi romontsch⁵¹
- Spirituals Sursilvans en tiaras jastras⁵²

Partenent il lungatg sedistinguan quellas lavurs essenzialmein dalla part historica. Maissen publichescha ils tractats culturhistorics numnadamein en omisdus lungatgs, la gronda part denton en romontsch

⁴³ Il Pelegrin 1956.

⁴⁴ Il Pelegrin 1957.

⁴⁵ Il Pelegrin 1957.

⁴⁶ Chalender Ladin 1957.

⁴⁷ Igl Ischi 1960.

⁴⁸ Il Piogn 1961.

⁴⁹ Annalas 1963.

⁵⁰ Annalas 1973, p. 151-157.

⁵¹ Ischi Semestril 58, 1973, p. 58-65.

⁵² Calender Romontsch 1980, p. 318-330 e 1981, p. 311-332.

(circa 60 pertschien) e mo la pintga en tudestg (circa 40 pertschien). Sil camp culturhistoric sesenta Sur Felici apparentamein pli da casa ella Romontschia.

4. Scolaziun e registers da students

En connex cun la scrutaziun historica ei Sur Felici era s'interessaus per la scolaziun dall'elita grischuna els tschentanners vargai. Nua studegiavan ils giuvens aristocrats e burgheis da lezzas uras? Per eruir quellas damondas ha el impundiu bia temps e daners. Duront sias vacanzas ha el visitau ils archivs universitars ellas tiaras vischinontas, pertgei ch'en nossas regiuns fuvan las pusseivladads da studegiar sin scolas aultas fetg restrenschidas. Ils futurs exponents dil clerus, dalla politica e dalla retorica fuvan necessitai da viagiar en tiaras jastras per lur scolaziun academica. Nua e tgi che quei ei stau, enderschin nus ord ils numerus registers ch'il scrutatur ha schaffiu cun gronda perseveranza. Quels cumpeglian il spazi naven dil 15avel entochen all'entschatta dil 20avel tschentaner. Ils tractats cuntengnan buca mo numms, mobein era biografias dils pertuccai. Nus schein suandar cheu ils registers dils students grischuns sin universitads digl exteriur.

- Bündner Studenten in Dillingen (17./18. Jhr.)⁵³
- Bündner Studenten in Mailand von 1581-1900⁵⁴
- Bündner Studenten in Luzern von 1588-1850⁵⁵
- Bündner Studenten in St. Gallen von 1820-1862⁵⁶
- Bündner Studenten am Kolleg der Propaganda Fide in Rom 1633-1920⁵⁷
- Bündner Studenten an der Universität Innsbruck 1671-1900⁵⁸
- Bündner Studenten an der Universität München von 1827-1914⁵⁹

⁵³ JHGG 1960, p. 83-142.

⁵⁴ JHGG 1965, p. 3-68.

⁵⁵ BM 1966, p. 99-110.

⁵⁶ BM 1969, p. 121-136.

⁵⁷ BM 1972, p. 217-233.

⁵⁸ BM 1977, p. 355-376.

⁵⁹ BM 1981, p. 241-270.

- Bündner Studenten an der Universität Ingolstadt-Landshut 1427-1827⁶⁰
- Bündner Studenten an der Universität Freiburg im Breisgau 1460-1914⁶¹
- Bündner Studenten an der Universität Heidelberg 1386-1914⁶²
- Bündner Studenten an der alten Universität Strassburg 1621-1794⁶³

5. Gliestas dallas publicaziuns

Ins sa undrar Sur Felici Maissen e sia scrutaziun scientifica il meglia cun leger sias ovras. Ina buna survesta da tuttas publicaziuns dattan ils suandonts registers:

Biblioteca cantunala Cuera: Register general e catalog online
Bündner Monatsblatt 1990: Register da tuttas publicaziuns en quella revista
Radioscola 3/1980: Publicaziuns 1950-1980
Separat digl autur FM: Publicaziuns 1981-1997

6. Abreviaziuns

BM *Bündner Monatsblatt*
 JHGG *Jahrbuch der Historischen Gesellschaft von Graubünden*
 Annalas *Annalas da la Società Retorumantscha*

⁶⁰ BM 1982, p. 57-67.

⁶¹ BM 1983, p. 229-243.

⁶² BM 1985, p. 1-46.

⁶³ JHGG 1990, p. 127-152.